

宋朝大詔令集

宋朝大詔令集卷第三十

親王五

進拜五

皇弟僖特授依前檢校太尉開府儀同三司充武安軍節度使進封永寧郡王加食邑實封數如故制

門下朕欽承基緒玉御家邦崇建藩維大為翼輔糾合宗族於昭惇叙之仁親茲同生肆有褒嘉之典皇弟武成軍節度滑州管内觀察處置河隄等使檢校太尉開府儀同三司持節滑州諸軍事滑州刺史上柱國祁國公食邑六千八百戶食實封二千二百戶僖躬信厚之德賦淑乂之資起居惟孝悌之修夙夜專詩禮之習衣戎其綵日度內寢之起蘭蕕其芽大鍾慈壺之愛乃眷諸弟皆為真王獨予季之妙齡尚建公於小國未稱友懷之誼詎光昭燕之謀是用微以土

疆進之爵號視班家宰仍加公衮之榮易地長沙復擁將旄之重以異姓為後周家蓋重於宗盟非劉氏不王漢室舊存於約誓寇圖報禮以稱殊恩可

皇弟佖特授守司空依前開府儀同三司中王充保平奉寧
等軍節度使加邑食實封勳如故制元符元年二月壬戌就
外郎

門下蓋聞選建屏周必省明德之彥大封輔漢莫如同姓之親我有
賢王肇開新府其誕揚於替冊以孚告於庶工皇弟鎮安武勝等軍
節度陳州鄧州管内觀察處置等使檢校太尉開府儀同三司持節
陳州鄧州諸軍事陳州鄧州刺史上柱國中王食邑九千七百戶食
實封三千一百戶佖胄帝室之華握天倫之秀不以居養而移氣體
之習不以貴富而有驕溢之心先朝之所顧優而不忘兩宮之所推

慈而尤異屬奉外廷之禮久留中禁之居屢攬抗章懇祈就第朕篤手足之愛厚骨肉之恩方賜永平之書忍下鴻臚之筆是循彛制增峻隆名改重鎮之節旄進上公之袞綬申陪多井加衍真輪並渙寵光茂昭徽數於戲賦常棣之什永言糾合之仁誦采菽之詩想見來朝之喜勉綏福履益介壽祺可

皇弟佖守司空移兩鎮加恩制

朕獲以眇躬繼保宗廟隆廣愛之化將以刑于四方惟悖叙之仁宜莫先於九族眷于同產往即有家其猷告於廣朝以重孚於休命皇弟平江鎮江等軍節度蘇州潤州管内觀察處置堤堰橋道等使檢校太尉開府儀同三司持節蘇州潤州諸軍事蘇州潤州刺史上柱國端王佖甚德而度參和為仁率履不愆在宗有裕奉朝請而匪懈謹扈從以惟勤視膳寢門先帝鍾慈而宇愛承顏禁掖兩宮垂意以

矜存越從表著之趙留密秘嚴之久屬完成於國邸實壯觀於威藩
懇祈外遠志不可奪勉徇典常之舊可勝孝友之懷消辰之良聞府
惟言載更兩鎮之重具拜三公之崇蓋戶加田并為寵渥於戲維城
作屏遠退周室諸侯之崇列第環宮近掩唐世五王之盛尚思祇慎
茂對休嘉可特授守司空依前開府儀同三司潞州大都督持節潞
州曹州刺史端王充昭德彰信等軍節度潞州曹州管内觀察處置
等使加食邑七百戶食實封三百戶勳如故仍令所司擇日備禮冊
命

除皇弟保特授依前檢校太尉開府儀同三司充河陽三城
等軍節度使封革王加食邑食實封勳如故制紹聖五年三
月二十四日

門下同心則友王者所以廣敦睦之恩五愛惟親天下所以從率仁

之化眷予同產將列外朝揆日諏良賜廷敷命皇弟定武軍節度定
州管内觀察處置等使檢校太尉開府儀同三司持節定州諸軍事
定州刺史上柱國咸寧郡王食邑八千戶食實封二千六百戶保修
身思永作德日休尤疏達於經書每被服於儒術庭闈兆慶發膺朱
芾之祥表著修容方奉介圭之覲既序賢而班爵遂開國以承家言
念先帝燕翼之慈恭惟兩宮拊鞠之意勉徇典常之舊曷勝哀聚之
情我圖爾居莫如華樂昨之有土即為真王家衣繡裳仍視三公之
貴高牙大纛進兼兩鎮之崇申衍真祖增陪奉邑恩禮惟稱寵祿具
宜於戲韡韡棠華述懿親於魯史菁菁杜葉美同姓於唐風尚懋忠
嘉往欽眷異可

除皇弟似特授依前檢校太尉開府儀同三司充橫海等軍
節度使進封簡王加食邑食實封勳如故制同上

門下朕若昔大猷紹休聖緒修首肯之義外以正朝廷之儀萬親親之思內以隆族屬之好乃眷天倫之戚昭陪朝列之趨其中舊章誕揚顯冊皇弟集慶軍節度亳州管内觀察處置河隄等使檢校太尉開府儀同三司持節亳州諸軍事亳州刺史上柱國普寧郡王食邑八千戶食實封二千七百戶似孝謹天至聰知日新不為青驕克自教畏居惟義理之門動有法度之循已踰就傅之年當遵出閣之禮永念貽謀之意靡勝慎睦之懷為爾相攸莫如西上是用賜成國之履建真王之封仍視族於三公復兼榮於兩鎮中加多貳陪衍真腴雖錫壤於盤維尚居留於秘近側門通禁未遠慈闈之承列邸在中丕顯威藩之盛以作爾祉寔協師虞於戲勿用匪彝書著王侯之戒毋作匪德史載世家之言尚迪訓辭永綏祿位可

皇弟侯守司空移兩鎮加恩制

元符二年三月丁卯

詒燕謀慎純祖武乃眷介弟將適有居用昭忠順之誠肆咎褒揚
之典越爾在服其聽朕言皇弟河陽三城雄武等軍節度使檢校太
尉開府儀同三司華王保宗藩之英帝室之懿躬信厚之德寔化二
南之風挺文雅之材濁高兩獻之望克持循於素履尤勤密而小心
兼徽台司開賦王社陪扈益謹奉朝滋恭屢上奏封祈就宿卹章卻
復至意確不移朕承兩宮之慈厚同氣之愛雖介主入覲君臣之禮
有常而朱芾斯皇兄弟之恩無遠姑勉從於來諗曾莫喻於至懷載
加空上之意爰援齋壇之鉞未央辨色匪遙鳴玉之趨長樂承顏尚
通綵衣之戲并陪真食增衍本封時惟展親茲用慎族於戲馴致祿
位豈驕侈之與期肯為公王在於嚴而謹度尚式猷訓以綏寵榮可
特授守司空依前開府儀同三司徐州大都督持節宣州諸軍事徐
州澶州刺史華王充武寧鎮寧等軍節度徐州澶州管内觀察處置

等使加食邑七百戶食實封三百戶勲如故仍令所司擇日備禮冊命

皇弟僖加兩鎮進封睦王加恩制

朕承天序之重萬人倫之親惟時賢王實我季弟力辭榮掖之邃留止宮隅之嚴其盼贊書乎昔在位皇弟武安軍節度漳州管内觀察處置等使檢校太尉開府儀同三司持節漳州諸軍事漳州刺史上柱國永寧郡王食邑八千五百戶食實封二千八百戶僖孝悌自乎天得聰知乃其性然作德而心日休遜志而學時敏克岐宗子之秀有成人之資勝衣班朝欲循唐室之故事奉主入覲思繼韓侯之高蹤屢觀抗章懇請出閣言念匪他之義何勝相好之情昨爾有邦王于樂土進兼兩鎮揚使節之光華仍視三公台司之儀物侈食封之優衍廣邑戶之敦睦懋建乃家不顯亦世於戲資富能訓斯有

永年之祥居寵恩危常懷入畏之戒往服朕命尚慎旃哉可特授依前檢校太尉開府儀同三司持節陳州亳州諸軍事陳州亳州刺史充鎮安集慶等軍節度陳州亳州管内觀察處置等使進封睦王如食邑七百戶食實封三百戶仍令所司擇日備禮冊命

皇兄必加太傅進封陳王賜贊拜不名制元符三年正月十九日丙戌

門下朕序朝廷之爵以正君臣厚宗族之情以睦兄弟乃眷同生之長是為懿戚之尊肆推茂恩率先群辟皇兄具官某誠身而迪善遜志而履謙早膺帝武之祥尤篤天倫之愛朕德不類遭家多艱遽聞仍凡之言恭被承祧之命用申加於異數以祇芳於舊章藩屏更封大畝爾宇鴻臚引唱勿替以名易其節旄授以帝傳於戲則篤其慶是因愛友之心必有所先敢後集嘉之典往祇厥服永孚于休可

皇弟侯守太保移鎮進封衛王制

門下朕嗣訓先后臨君萬邦方謹始於承祧用惇宗而序爵惟時同氣乃國懿親乎告治廷誕揚休命皇弟檢校太尉開府儀同三司鎮潼軍節度使華王侯履中而迪哲體信而居謙早膺帝武之祥是篤天倫之愛屬茲纂服申用舊章錫壤更封王茲大國登壇受節畀以兩旄於戲遭家多難已重鵠原之急在宗載考用增棣華之華尚遠乃歆以綏福祿可特授守太尉河東奉寧軍節度使進封衛王

皇弟似守司徒移鎮封蔡王制

門下朕祇奉先猷紹承景命既大賚於天下用惇叙於我家方懷原隰之哀宜先手足之義皇弟檢校太尉開府儀同三司橫海鎮海節度使簡王似秉彝而迪德履順而體和早膺帝武之祥是篤天倫之愛顧纂承之伊始宜褒顯之有加昨土封公更加大國易旄授鉞移

鎮兩藩於戲立愛惟親莫如同父之戚因心則友敢謂他人之昆在承天休益介爾福可特授守司徒武昌武安軍節度使進封蔡王

皇弟僖守司徒移鎮封定王制

門下朕恭承眷命嗣守丕基思繼序以不忘用在宗而載考肆有可懷之仲豈同伊異之人出命大庭敷告多士皇弟檢校太尉開府儀同三司鎮安集慶軍節度使睦王僖體和而樂善秉志而敦仁早膺帝武之祥是爲天倫之愛顧承祧之茲始宜錫命以有隆即廟大封進加王土登壇寵拜易以侯藩加位上公陪敦邑采於戲無胥逸矣莫如兄弟之倫胡不欣焉用篤邦家之祐往祗厥服永孚于休可特授守司徒清海鎮海軍節度使進封定王

皇長子拜官制
元符三年七月辛卯

門下朕蒙祖宗之休荷天地之貺身自續臨之始亟開蕃衍之祥慶

發中宮誕生上嗣深惟正體之重實永太宗之承惟在襁褓之中難
稽封拜之命肆頒大號敷告外庭皇長子桓岐疑夙成溫文異稟粹
矣天人之表渾然金玉之相弄以半圭日奉含飴之樂佩之朱芾早
宣開國之榮是用推策揆成按圖定號包梁山之奕奕徹爾土疆俯
漢水之滔滔建茲鉞元戎十乘之貴袞服九章之華視秩台司行
食書社以增藩輔之壯以示本支之強非予汝私迺國舊典於戲周
封十子咸在幼年漢立三王甫能起拜矧予嫡長之懿允協元良之
稱庸建上公裁令半楚庶答萬方之望率由累聖之規膺吾寵光益
介壽祉可特授檢校太尉山南東道節度韓國公

皇第二子煥授官制

門下朕祇紹天明大緝熙之光烈誕受帝祉開蕃衍之慶源篤生嗣
賢來侈昌緒多男而受職匪曰私恩建國以褒親率茲注制肆頒渙

號教告治廷皇第二子煥氣稟粹溫資適岐嶷早賜燕禔之美允符
熊夢之占弄以丰圭款其成德之漸佩之朱芾表以宜家之祥是用
若古典彝疏榮極祿灼電協吉辨域按圖植森建牙壯奉寧之使節
苴茅素土服全魏之名邦參視上公之儀增峻元戎之寄申加多賦
陪衍真腴于以藩輔京師則若維城之固予以承衛天子則如磐石
之安於戲為龍為光既被爾祿乃惠乃順尚慎厥初欽服訓詞益有
譽處可特授檢校太尉持節鄭州諸軍事鄭州刺史充奉寧軍節度
鄭州管内觀察處置等使上柱國魏國公食邑三千戶食實封三百
戶

皇弟蔡王似加守太保改保平鎮安軍節度使制
元符三年
就外郎

門下朕惟本朝之制厚公族之恩列第京師不忍使之去國兼榮將

相未嘗責以治民豈惟致博叙之仁抑亦隆夾輔之勢矧吾寵弟實位真王念方屬於妙齡將即安於外郎雖云密邇寧不疚懷肆舉微章用孚衆聽皇弟具官蔡王似出神明之胄鍾祺祝之祥氣稟溫良生知遜悌雅愛圖書之習夙懷忠孝之誠祠葉䟽封已侈盤維之寄棣華致好每敦和樂之私比遵朝著之趨尚處宮隅之邃屢觀啟奏祈避禁嚴志雖莫回情實未忍思在宗之義豈忘陵寢之哀顧開府以時難廢國家之典廼消殺旦增峻官儀更兩鎮之節旄正三師之位叙兼陪并賦益壯宗藩於戲周誥孟侯則曰無康好逸漢詔諸子亦云毋通宵人蓋位不期驕者人情之常寵至益戒者前哲所尚佳服休命永綏令名可

皇兄必授守太尉改荊南節度使加恩制山陵畢

門下朕荷天之休緒國之緒方畢送終之禮永懷事長之恩其考協

於舊章以播告於多士皇无具官必履和蹈順資厚體莊闕茲義理之多長於富貴之守禮既成於退往義敢後於先恩用進列於上公俾躋叅於九牧內燕將相之任外制荆揚之邦胙土徹疆東旋易節於戲則篤其慶敢謂他人之昆匪思其親莫如同氣之長往祇朕命永孚于休可

皇弟俱改護國山南西道等軍節度使加恩制同上

門下朕紹天明命遭家多艱永維同氣之親共有天倫之戚送終之義躬引締以在途事往之情禮反虞而躋廟既襄厥事用省乃成中按舊章播告列位皇弟具官俱守謙迪已體信誠身學達左右之原行無危溢之失比因山而肇卜乃扈蹕以有行道路言旋風霜匪薄豈無異數用慰乃懷易節大邦增封列戶於戲式相好矣有振振麟趾之風翮其反而無驛驛角弓之刺祇服朕命永孚于休可

皇弟似改鳳翔雄武軍節度使加恩制同上

門下朕嗣國大統紹休前人永惟同氣之倫共有送終之戚陵工告畢廟祫既躋用按協於舊章以申加於異數皇弟具官似率履迪常飭躬祇德曩席皇家之慶誕膺帝武之祥方作屏於周藩比留朝於漢邸因心而友孔懷原隰之哀立愛惟親重戚衣冠之閔既獲襄於大事用敷錫於寵章易節大邦增封列戶於戲慎乃服命敬爾在公無封靡於爾邦無荒失於朕命則予以懌時乃之休可

皇弟僖改武寧武勝軍節度使制同上

門下朕嗣先后君臨萬方追念在天之靈共懷復土之戚既襄大事因率舊章手錫異恩播告在服皇弟具官僖秉猷克己樂善成心有迪惠之吉而不驕履信厚之風而有裕曩發祥於帝武早衍慶於天支方圖宅憂遣家不造因山工畢躋廟禮成肆頒睦族之仁申命同

生之季增封列戶易節大邦於戲豈伊異人當念孔懷之急莫如同
父宜有追遠之情尚既乃心以永終譽可

皇長子改興德軍節度使進封京兆王制

門下裂地以封同姓而周致維城之固立于以爲真王而漢享磐石
之安天相我家國有上嗣分茅易鎮敕命告廷皇子具官桓慶集椒
房祥生帝武清明異稟岐嶷殊姿珠在淵而輝光玉未琢而溫潤勝
衣趨拜若素講於成儀令德孝恭有風成之趣向錫之袞服亦已期
年因盛夏之吉時覽司空之輿地賜履與壤表東海以建旄長安舊
都控西陲而作屏以王公之顯秩無將相之寵名位定乎九重之中
節制乎千里之外加陪并賦增衍真封遵用僉言便蕃異數於戲貴
世嫡所以重社稷進藩輔所以尊朝廷豈天性之私恩乃先王之公
義益修子職永延壽祺可

宋朝大詔令集卷第三十

宋朝大詔令集卷第三十一

親王六

進拜六

皇兄陳王佖加恩制

建中靖國元年郊恩

門下朕受命祖廟款謁天神登園丘而攝太清奏黃鍾而歌大呂稽
聖人之能饗幸上帝之居歆願彼有生之民率皆均惠豈吾同氣之
長可緩推恩具官佖賦性冲夷處躬慎靖親則伯氏身兼將相之官
將乃真王門列荆楊之戟朕於至日親奉精禋惟福祿之夾儀覲兄
弟之無遠乃頒寵數用廣神休詔以不名戶增厥賦於戲式相好矣
共存則友之心勿替引之永踐惟寧之德綽有餘裕豈不休哉可依
前守太尉開府儀同三司荊州牧兼揚州牧陳王充荆南淮南節度
管内觀察處置等使賜詔書不名加食邑一千戶食實封三百戶

皇弟定王僖加恩制建中靖國元年郊祀

門下昔在唐朝之隆上有見而睦族尊惟周家之盛國多慶而宗強
朕申講曠文夙恭大報決厯鴻於四海被休顯於羣工豈無展玉之
雍示我篤親之意直敷廷渙以侈邦榮具官某秉心裕和率履純懿
東平樂善夙賦良能河閒服儒綽有雅制建旄開府寵均棣萼之華
昨土徹疆勢拱石磐之固屬丕承於祀典初祇見乎昊穹揆日其良
飭躬載恪濯清明於太室揖光景於中壇嘉德惟馨上靈伊嘏實惟
同氣之助不愆于儀迨茲邦况而還竝受其福增崇異數流行真翰
以大而封以蕃予錫於戲考象于易已殫豫薦之誠觀雅於詩厥有
齊封之澤顯膺明命任其懋哉可特授依前守司徒開府儀同三司
徐州大都督持節鄧州諸軍事徐州鄧州刺史定王充武寧武勝軍
節度使加食邑一千戶食實封三百戶

皇弟衛王保加恩制建中靖國元郊祀

門下朕緝熙祀典敷錫神休下福群萌沛若蓂蕭之澤近褒同氣歡
然崇棣之恩所以光有赫之丕圖萬無窮之隆慶膚孚徽號播告治
朝具官某挺溫文之資躬純裕之德孝友夙稟謙恭自持拳拳樂善
之心勉勉迪彝之行肆膺王社荒大國之土疆仍拜帥壇建元戎之
旄節適消臨於穀旦肇稱奉於明禋有虔清佩之容實亞紫駭之獻
蒼玉凝采嘉牲射純帝既歆子精一之忱衷又錫于穆清之景眎靡
祥不集靡沴不消歟為振古之猷渙作揚廷之命何以馭首休有龍
光何以均釐用頒膳胙維井腴之再衍維圭賦之載加匪曰朕私適
遵邦制於戲明昭天緯已綏陟配之儀惇睦民風更懋展親之寵祇
承輝渥順履康榮可特授依前守太保開府儀同三司河中戶兼興
元尹衛王克讓國山南西道等軍節度管内觀察處置橋道等使如

食邑一千戶食實封三百戶勅如故

皇弟定王德進守太保移兩鎮加恩制

崇寧口年出閣

門下朕祗適燕謀紹休聖統隆骨肉之恩以睦九族篤兄弟之愛以
刑四方有嘉賢王將遷外郎肆頒渙號敷告庶工皇弟武寧武勝等
軍節度使守司徒開府儀同三司上柱國定王德鍾純粹之姿出神
明之胄早切磨於仁義尤耽玩於詩書有標華韡韡之榮佩朱芾煌
煌之慶儒學是好允矣河間之風典雅斯文蔚然東平之譽屢形奏
請祈適攸居雖益厚於眷懷亦重違於沖尚况懿親梁海寔賴維城
之安而列第環宮固非去國之遠是用授三帥之品秩更兩鎮之節
族加衍舊封陪敦真賦茲為異數庸壯威藩於戲爾惟勿恃寵光以
作非德勿挾富貴以用非彝往綏今召對我休命可特授太保依前
開府儀同三司真定尹成德定我軍節度使定王加食邑七百戶食

實封三百戶

皇兄必特授守大師充河東山南西道節度使勲食邑實封

如故崇寧二年三月五日祥除

門下朕席列聖之基圖荷太母之顧復極四海之養靡及承顏之怡
終三年之喪敢忘達報之禮廼眷同生之長共探在疚之悲維祥事
之既除蓋命書之錫寵我有大號告于庶工皇元荆南淮南節度使
內觀察處置等使守太尉開府儀同三司荊州牧上柱國陳王食邑
一萬三千八百戶食實封四千二百戶賜詔書不名必背厚而行恭
氣和而履正出神明之冑有詩書禮樂之風極膏富之榮無車服珍
寶之玩飭躬惟懋成德用章庸進陟於上公俾易濟於九牧申加異
數併示寵光於戲居列棟華益重開元之美鍾鳴長樂每懷慈德之
恩尚既乃心永綏厥位可

皇弟保特授依前守太保開府儀同三司青州牧兼兗州牧
衛王充鎮海泰寧等軍節度使加食邑食實封如故制同
門下朕獲承至尊克紹先烈維時太母嘗洪濟于艱難肆予沖人用
永懷于追慕迺眷天倫之戚共驚祥事之除宜推乎號之恩以重慈
闈之託皇弟並國山南西道等軍節度管内觀察處置橋道等使守
太尉開府儀同三司河中尹兼興元尹上柱國衛王食邑一萬三十
五百戶食實封四千戶俟器資純茂識度遠矣性自率於溫恭行日
章於孝謹防邪僻而返中正志為君子之儒閱禮樂而敦詩書力學
先王之道俱沐欽儀之鞠育並深哲廟之提攜歲簪苻更道言未遠
禮不忘於報本澤敷後於同生申錫爰田易封巨屏以增榮於秩序
以夾輔於邦家於戲友朋因心親莫隆於立愛樂乎為善事維務於
慎終往乎于休以懋爾祉可

皇弟似特授依前守太保開府儀同三司荊州牧兼徐州牧
蔡王充荊南武寧等軍節度管内觀察等使加食邑食實封
勲如故制 同上

門下朕奉先帝之燕謀承太母之顧託永惟宗廟之重莫敢違寧瞻
言兄弟之親皆以自輔爰立深於衷疚且甫訖於祥除申錫寵章庸
示休命皇弟鳳翔雄武等軍節度管内觀察處置等使守太保開府
儀同三司鳳翔尹持節秦州諸軍事秦州刺史上柱國蔡王食邑一
萬三千五百戶食實封四千戶似英華秀發德善日滋行惟禮義之
歸學有師儒之訓逮更喪制益見孝思無將相之崇資易荆徐之新
牧載如真食粒衍爰田恩非予私文以情稱於戚非彝勿用勉膺康
叔之賢大雅不群往迪河間之哲無替朕命以孚于休可

皇弟僖特授依前守太尉開府儀同三司揚州牧兼雍州牧

定王充淮南永興等軍節度使加食邑食實封勳如故制
門下內睦九族為治國之大經服喪三年實報親之達禮矧我同生
之季共深在疚之悲茲方事於祥琴必載新於命敕旋揚乎號播告
治廷皇弟成德定武等軍節度管内觀察處置等使守太保開府儀
同三司真定尹持節定州諸軍事定州刺史上柱國定王食邑一萬
三千戶食實封四十三百戶偁志守靖恭氣識邁往規東平之為善
憲河間之好書孝謹克家志醇事上力行信厚聿追麟趾之風勿替
急難盡重鴈原之愛維是宜麻之飾既更日月之除庸示褒崇肆加
寵賚增陪真賦易殿大邦於戲恩浹宗強大為藩屏之固世推德威
滋多子孫之休懋昭今名永服茂渥可

皇第三子梓特授檢校太尉充山南東道節度使上柱國楚

國公食邑食實封制

唐平二十一年五月

門下有天下而置諸安國莫強於藩屏多男子而任之職世尤重於
本文朕欽若大猷永思至德異寧字佑賢嗣繼生剪髻命名肇新於
慶禮直茅疏爵增貢於徽章誕告明廷顯揚丕號皇第三子楫冲和
淵靜敏悟英奇實鍾粹於天潢遂發祥於帝武寔然有異咸推性稟
之良卓爾不群早見德成之漸宜舉始封之舊典爰因盛夏之吉時
表哀漢以建旄徽荆衡而賜履牙璋厚節崇將閭之威儀衣服繡裳
備公台之物采兼隆敷級併賜戶租欲其承蕃衍之休將以煥榮懷
之慶於戲親賢竝建是為周室之成規幼稚皆封茲用漢家之故事
蓋發政必稽於古而命哲當在厥初其祇服於寵光以茂膺於壽祉
可

第三子楫特授依前檢校太尉開府儀同三司奉寧軍節度
使進封南陽郡王加食邑食實封數如故制

崇寧三年
八月

門下列侯之建莫重於宗藩真王之封尤親於帝子朕荷上穹之孚
佑承累世之乂寧屢占考室之祥誕受多男之慶肆頒丕號敷告外
廷皇第三子山南東道節度襄州管內觀察處置橋道等使檢校太
尉持節襄州諸軍事襄州刺史上柱國楚國公食邑三千戶食實封
一千戶楫玉粹而溫純淵澄而秀徹出神明之胄而所稟固異挺岐
嶷之質而自幼不群維未勝衣已享上公之貴亦既閱歲寔茂成人
之姿屬邦典之有稽且臣隣之來諗大啓爾宇永建乃家拔圖以相
攸誨日而協吉授以鈇鉞易東甌之將旄錫之山川徽南陽之疆土
班於宰席增厥戶租煥台衮於光華壯元戎之節制以屏翰則維城
之固以形勢則磐石之安於戲燕及皇天載用有嗣自貽哲命罔不
在初惟既廣其德心則必綏於福履往其祇若介以壽臧可

皇第十二子植特授檢校太尉充定武軍節度使上柱國吳

國公食邑食實制大觀二年九月二十五日

門下朕總四海以宅師恭三神而配命有秩斯慶既錫美於昊穹思
厥強宗宜增雄於藩翰爰乎爾衆用簡于廷皇第十二子植天稟粹
清器鍾奇穎卓爾生知之質淵然幼悟之資著象騰輝光顯後星之
照分茅建社勢先磐石之隆方用稽謀遠觀刻奏謂定親疎者禮之
制而嚴秩序者邦之文恩匪緣私法惟有舊是用參土壤於司徒之
籍辨車旗於典命之榮明啓將壇擁燕南之節戒俾藩王室開越北
之封圻仍峻崇階陪敦廣賦以表元戎之重以揚大國之威於戲考
大人占夢之符早欽承於厚祉推宗子維城之寄茲共壯於丕圖惟
永壽祺式彰嘉訓可

皇第十三子朴特授檢校太尉充鎮洮軍節度使上柱國雍
國公食邑食實封制大觀三年八月十三日

門下朕承列聖之休履大智之重荷天右序誕受多男之祥若古典
彝庸建寧侯之國肆敷丕命敷告廣廷皇第十三子朴毓慶皇支憑
暉霄極挺溫姿而王裕藹淑質以金相岐嶷夙成聰文日就方制名
而命義宜授社以疏封昨之全雍之區鎮彼臨洮之塞維衮及繡錫
以上公之儀東鉞興旄委以元戎之任策勳蹕等衍邑齊租併茂恩
猷用隆國體於戲周過其麻實賴維城之基漢議深根亦先尊子之
制往祇渥永介壽祺可

皇第十四子口特授檢校太尉充鎮江軍節度使上柱國徐

國公食邑食實封制

大觀三年九月十三日

門下朕膺無疆之大麻紀累洽之宏休保佑自天繼發祥於帝室封
建厥福益流慶於宗藩眷時嗣賢中我彝典式涓穀旦誕告治廷皇
第十四子口日本分暉珠源毓粹氣稟中和之淑體函岐嶷之姿溫

文早著于夙成聰智已彰於日就是用稽立愛之前訓率建侯之舊章將于南國之全師昨以東徐之樂土載黼斯衮備上公之威儀有鸞其旂壯中軍之徒御策勲蹕等衍邑食租併示恩猷用崇國體於戲周詩之美衆于寔昭王化之隆漢詔之建連城蓋尊宗廟之重往承寵渥永介壽祺可

皇第十五子樛特授檢校太尉充橫海軍節度使上柱國葉國公食邑食實封制朕觀四年十一月七

門下朕承寶祚之昌荷丕構之重天地並貺嗣膺繁衍之華父子主恩爰舉褒封之典誕揚顯號敦告廣廷皇第十五子樛帝武毅休仙源毓粹稟中和之淑氣涵收鼓之英姿溫文夙成聰智日就屬覽近司之請宜循有國之章是用授節建牙分茅列社昨以葉都之望鎮于橫海之雄幅上公之衮衣錫大將之金鉞併廣爰田之富兼疇其

食之豐庶言胥諧朕命惟允以篤邦慶以厚人倫於戲周家卜年蓋
並建於藩輔漢制強幹亦分王於宗親惟時大封無愧前烈往祇渙
渥永介壽祺可

皇第十六子拱特授檢校太尉充淮康軍節度使上柱國定

國公食邑食實封制

政和元年正月十五日

門下朕撫丕平之景運荷累洽之宏基佑命斯純儲休滋至屢占熊
夢翕臻藩衍之禧運芳龜摘俾膺封建之福誕揚渙號敦告治朝皇
第十六子拱氣蘊冲和質函秀穎發祥帝武挺岐嶷之英姿毓粹天
支賦聰文之異稟脩彰德性咸出生知爰稽立愛之經增重制名之
義式疇舊典允穆僉言是用敘金路以分茅班玉符而授節徹大邦
於河朔表巨鎮於淮康衮衣繡裳視秩公槐之貴高牙大纛宣威將
鉞之嚴併錫戶租庸崇勲級光華激數焜耀多儀豈徒隆父子之恩

蓋茲重朝廷之體於戲協生民之載路于以修宗社之休詠周雅之維城于以篤邦家之慶注祇榮寵永介壽賦可

皇第十七子栻特授檢校太尉充靜江軍節度使上柱國廣

國公食邑食實封制

政和元年九月二十七日

門下治自內則先恩蓋人倫之大本禮沿情而異制亦天下之至公
眷言洪緒之昌誕受多男之慶作之藩翰增國磐維爰擇剛辰丕揚
渙號皇第十七子栻銀潢疏派瓊芳分輝聰智夙成氣稟乾坤之粹
覃訂日就暫凝金玉之純屬僉論之載颺協邦彞而茂舉見於外寢
錫以嘉名肇開成國之封參建上公之首高牙大纛總桂部之全師
華袞繡裳徽番禹之鼎壞兼隆敷叙併衍戶祖敢私爵秩之崇蓋重
朝廷之體於戲祈天永命罔不在厥初生用我敬辭乃能自介用逸
其顯膺於優渥益惠迪於吉康可

皇第十八子椿特授檢校太尉充建雄軍節度使上柱國福

國公食邑食實封制

政和九年十一月十七日

門下朕承列聖之基圖荷皇穹之祐序有室大競聿臻傳類之祥無
疆惟休誕啟建侯之輔眷時賢嗣爰及時辰消吉命名瑞朝孚號皇
第十八子椿璇源毓粹景緯儲英美玉精金外發山川之秀黃鍾大
呂中函天地之和顧今質以夙成矧金謀之屢諗爰稽成憲式舉初
封植森擁旌析平陽之瑞節制畿開國徹長樂之封疆峻夷等以策
勳衍賦租而詔祿恩繇立愛義叶明倫於戲揖揖衆多言若茲斯之
羽振振信厚宜如麟趾之時其茂對於邦榮用永綏於爾祉可

皇第十九子椿特授檢校太尉充慶源軍節度使上柱國慶

國公食邑食實封制

政和二年五月十七日

門下朕遵列聖之詒謀荷高穹之眷命丕承景庥既滋有永之休申

錫多男益侈無疆之祚肆涓較具用啟初封其孚治朝具詔羣辟皇
第十九子椿性資莊重器蘊粹溫備四序之純和鍾兩儀之秀氣聰
文日就已彰載路之聲岐疑夙成允稱斯皇之蒂屬近司之來勳稽
褒典以疏榮庶言則同朕命惟允是用錫慶源之旌鉞表西土之山
川俾宣逮轟之威俾服苴茅之寵載黼斯衣視峻秩於上公有驚其
旂壯元戎於外閭肇隆勳級并衍戶祖式昭屏翰之崇庸示磐維之
固併疇徽數良協慈懷於戲父子主恩茲謂人倫之本朝廷首爵厥
惟天下之公茂對龍光永綏壽祉可

皇第二十子樞特授檢校少保昭信軍節度使上柱國衛國

公食邑食實封制

政和二年十二月二十八日

門下朕紹宏基於有永嗣寶祚於無疆王假有家益侈隆平之緒天
錫純嘏繼膺蕃衍之休方涓日以制名宜揚廷而孚號皇第二十子

握璇霄稟粹星緯諸英性岐嶷以天成質覃討而日就十旬剪髮適
迎歲紀之新三接䟽榮誕舉邦尊之舊建南康而授節徹金衛以分
封貝冑未綬式總齋壇之重赤帶金馬仍參上衮之華載掌視秩之
班躋進策數之等爰敦多賦併厚慈懷於戲佑下民而作之君克昌
丕祚多男子而授之職蓋固宗藩往對恩光永綏壽祉可

皇第二十一子棟特授檢校少保威德軍節度使上柱國韓

國公食邑食實封制政和三年正月

朕承列聖之燕詒荷皇天之右序本支百世式增丕祚之光壽考萬
年繼受多男之祉方制名而示訓宜消日以䟽恩爰即治朝誕揚乎
號皇第二十一子棟發祥帝武旣慶天源挺岐嶷之奇姿備中和之
秀氣百辰始辟適隆剪髮之儀四履分榮已協苴茅之典是用出節
少府按地輿圖授華源之全師徹韓土之樂國元戎十乘併嚴師鉞

之雄命服九章薰育公主之重視峻班於亞保多真賦於爰田以昭
邦采之崇以示民風之厚於戲漢褒衆子並與在祿之封周廣強宗
用壯維城之勢往祗寵渥永介壽祺可

宋朝大詔令集卷第三十一

宋朝大詔令集卷第三十二

親王七

進拜七

皇長子桓特授太保依前武昌軍節度使定王勣食邑食實

封如故制

政和三年正月六日

門下朕紹隆丕緒祇遵先猷歌訓迪於有官肆式序於在位參稽於四
古肇新一代之儀是正厥今首重三公之號眷言元嗣宜易崇稱其
孚告於治朝以誕揚於顯冊皇子武昌軍節度鄂州管内觀察處置
等使守司空開府儀同三司持節都督鄂州諸軍事鄂州刺史上柱
國定王食邑八千七百戶食實封二千八百戶桓溫文性稟聰哲天
成氣函鍾律之和體毓珪璋之粹聞詩學禮已在傳而克勤視膳問
安每承顏而有裕自甫勝於起拜既申錫於褒封徹以土疆建之旌

然念真王之貴尚仍六職之稱輕重靡倫循茲未革茲惟前代首
用新書盡如峻於民瞻俾陞華於帝保元衮亦寫併增槐鼎之光淑
斯綏章用壯藩維之勢禮先列辟慶叶新元以示慈愛之私以副榮
懷之尚於戲本文百世斯首叙於隆恩祚嗣萬年其永綏於吉祿注
欽時命蓋堪乃猷可

皇子楷特授太保依前鎮東軍節度使嘉王勳食邑食實封

如故制

政和三年
正月六日

門下朕祇紹先猷緝熙庶治永念官儀之重尚多時制之消以三事
之榮皆襲六官之舊秩正名稱古悉更唐漢之餘分職圖功上協商
周之盛眷言賢嗣宜渙褒章載櫟剛辰申告列位皇子鎮東軍節度
越州管内觀察處置堤堰橋道等使守司空開府儀同三司越州大
都督上柱國嘉王食邑七千七百戶食實封二千五百戶楷憑暉霄

極毓秀璇源挺岐嶷之粹資蘊中和之全德蚤從外傳樂循為善之
方日侍內朝懋著承顏之美目及勝衣之拜已䟽裂壤之封茲順履
於新元方聲頌於丕憲蓋先列辟俾易隆稱其陞帝保之華以侈天
文之貴維衮及繡並增台鉉之華錫山與田兼育王藩之舊以懷寧
於屏翰以篤慶於家邦於歲百祿是道斯對揚於新渥景命有懷益
延緒於丕基往服訓言永綏壽嘏可

皇子樞特授檢校太保依前開府儀同三司集慶軍節度使
建安郡王勲食邑食實封如故制

政和三年正月六日

門下稽古建官亦因時而用義循名責實俾分職以懋功渙然三代
之純允副一隆之治寵均衆子猷告庶工皇子集慶軍節度亳州管
內觀察處置河堤等使檢校太尉開府儀同三司持節亳州諸軍事
亳州刺史上柱國建安郡王食邑六千一百戶食實封二千戶樞璿

夢儲輝瑤房挺秀誠和本乎自度莊重賦於天資稟訓日嚴克邁詩
書之教疏榮時茂蚤膺茅土之封兼將鉞以董師視台儀而備物每
懷謙畏弗替踐修朕謹始歲元大熙國典易舊稱於掌武視峻職於
經邦式協新書有華近著於戲朝廷尚爵丕昭董正之規父子主恩
宜厚褒崇之數往惟祇命並以永年可

皇子杞特授檢校太保開府儀同三司山南東道節度使文

安郡王勲食邑實封如故制

政和三年正月六日

門下朕紹休七聖圖治萬幾將明作於有功庶通追於來孝肆總齊
於位序惟古之師因是正於官名自今以始蓋首褒於良嗣俾祇奉
於新書皇子山南東道節度襄州管内觀察處置橋道使檢校太尉
開府儀同三司持節襄州諸軍事襄州刺史上柱國文安郡王食邑
六千一百戶食實封二千戶杞柔惠夙成溫文自得蚤叶熊羆之卜

寢凝主壁之姿列壤錫封夙厚褒崇之典勝衣進拜彌彰輔翼之賢
茲順新元肇頒茂恩宜升陪於帝保俾參視於公聯淑祈綏章益侈
將壇之寵赤帶金馬用華王社之榮以厚氏燕以昭邦采於戲茲率
厥典既更三事之稱先齊其家庸授多男之職往膺寵渥永介壽域
可

皇子相特授檢校太保開府儀同三司彰武軍節度使安康
郡王勣食邑食實封如故制正和三年

門下朕紹承先志董正治官規恢萬世之基稽協三王之訓以名為
表秩位序而程能以禮稱情渙恩章而賜命皇子彰武軍節度延州
管内觀察處置等使檢校太尉開府儀同三司持節延州諸軍事延
州刺史上柱國安康郡王食邑五千四百戶食實封一千八百戶相
仁明異稟聰智夙成蚤分日域之輝彌萬仙源之慶班朝備物均宰

路以疏榮宅土開疆胙王封而賜履茲布始和之治肇頒更制之文
視保職以參華襲公主而詔位增榮屏翰大庇本根於戲據舊鑒新
式固邦圖之永因心廣愛用昭天性之隆往或惟休尚有多祉可

皇子棣特授檢校太保開府儀同三司淮南節度使濟陽郡

王勳食邑食實封如故制

政和三年正月六日

門下朕誕膺駉命允紹先猷永念官稱之名或違位序之實乃稽參
於古訓允登百工俾祇奉於新書以垂萬世眷言賢用錫殊榮皇
子淮南節度揚州管内觀察等使檢校太尉開府儀同三司揚州大
都督上柱國濟陽郡王食邑五千四百戶食實封一千八百戶棣氣
稟中和才兼敏茂蚤襲璿源之慶屢膺金路之封禮儀躬行寢懋詩
書之訓謙恭自抑居無富貴之驕屬茂制之聲更宜華胄之申錫爰
正主兵之任以陪上保之聯命服九章參武公台之峻元戎十乘仍

兼王社之崇方順履於歲元用顯揚於庭渙以彰休寵以示慈懷於
戲八柄以馭其臣蓋本朝廷之政多男而授之職蓋隆父子之恩往
服褒嘉益綏壽祉可

皇子構特授檢校太保開府儀同三司鎮海軍節度使廣平
郡王勳食邑食實封如故制政和三年正月六日

門下亮典威熙於庶績允釐始自乎百工周禮董正於治官承德蓋
先於六服朕因時用義惟古是師參稽總覈之方駿惠緝熙之緒禮
繇近始命以時教皇子鎮海軍節度青州管内觀察處置等使檢校
太尉開府儀同三司持節青州諸軍事青州刺史上柱國廣平郡王
食邑五千四百戶食實封一千八百戶構頒慶紫庭憑輝璇極日新
其德浸茂於天成時敏厥修匪資於師訓蚤建齋旌之重仍紆公袞
之華飭行彌恭承顏靡懈茲紹休於烈考式誕布於宏規視班三事

之崇易稱五兵之舊以蕃王室以協邦經愛不我私義惟情稱於戲
名以出信宜益懋於永圖位不期驕尚克祇於乃服永綏吉祿宜副
慈懷可

皇子材特授檢校太保鎮安軍節度使魏國公勲食邑食實

封如故制

政和三年正月六日

門下朕適追來考董正治官將圖各迪之功俾助惟和之政乃眷經
邦之俊久仍掌武之崇率由舊章務循名而青實式序在位庶宿道
以嚮方屬誕布於新書益首加於哲嗣皇子鎮安軍節度陳州管内
觀察處置等使檢校太尉持節陳州諸軍事陳州刺史上柱國魏國
公食邑三千七百戶食實封一千二百戶材天潢鍾閏宵華分輝紫
膺受社之榮寢懋提身之美居仁由義靡聞在傳之勤閱禮敦詩充
邁超庭之教比稽古訓更定官儀其參上保之資以因藩維之勢命

之圭冕蓋昭公衮之榮錫以山川仍席邦封之重以申異數以協隆
恩於歲化以職成既因時而訓迪施由親始肆申命於褒嘉往服徽
章並綏多福可

皇子模特授檢校太保武勝軍節度使鎮國公勲食邑食實

封如故制

政和三年
正月六日

門下朕以德詔爵以能懋功正昭烈考之謨飭正治官之典惟三公
之生論上應中偕監二代之彌文垂休萬世誕揚顯冊褒進嗣賢皇
子武勝軍節度使鄧州管内觀察處置等使檢校太尉持節鄧州諸
軍事鄧州刺史上柱國鎮國公食邑三千七百戶食實封一千二百
戶模性賦溫良生資肅哲志拳拳而樂善躬抑抑以隆謙分闡授師
坐擁南陽之節直茅賜履遙臨朔塞之疆茲望舉於新規用均頒於
渥命榮承保職寵襲公主允協朝經增華位序於戲循名責實交修

總核之原存愛理親益厚監雖之因往綏福履茂對龍光可

皇子植特授檢校太保定武軍節度使吳國公勳食邑食實

封如故制

政和三年正月六日

門下朕紹休聖緒若昔大猷永惟故事之修允賴臣工之助眷時有位或未協於官稱肇正新名實仰稽於古訓宜舉邦彝之茂用褒天屬之賢皇子定武軍節度使定州管山觀察處置等使檢校太尉持節定州諸軍事定州刺史上柱國吳國公食邑三千七百戶食實封一千二百戶植毓秀璿源隸芳實華聰哲實由於學致溫文皆出於性成屬在幼齡已茂禔身之美荐膺休命益彰事上之恭適順歲元特敷廷渙易生兵之重任陪上保之崇寄亦屬繡裳兼侈國封之大珣戈屏節併昭閭制之權用增固於宗藩期共承於王室以隆化本以厚民風於戲仰于家邦益自允彊之功施于孫子彌昭夾輔之勲

祇服命書永綏榮祿可

皇子朴特授檢校太保鎮洮軍節度使雍國公勲食邑食實
封如故制同上

門下朕若稽古訓茂昭垂世之休邁駁文謨肇正有官之治既因名
而辨位宜渙號以申恩褒進副賢宜乎衆聽皇子鎮洮軍節度熙州
管内觀察處置等使檢校太尉持節熙州諸軍事熙州刺史上柱國
雍國公食邑三千七百戶食實封一千二百戶朴性函聰哲德茂淵
冲風開帝武之祥浚發仙源之潤玉符頒瑞保全雍之山川金鉞授
師總臨洮之節制篤孝恭而承志敦詩禮以懋恭屬茲謹始之元誕
布惟新之典榮聯三事視班保職之崇位冠宸工作屏帝支之盛允
為異數式副慈懷於戲言順則事成效既興於禮樂身端而行治誠
益勵於猷為惟克欽承永綏譽遠可

皇子栲特授檢校太保橫海軍節度使冀國公勳食邑食實
封如故制

門下朕因時以正官治敦愛以叙人倫稽古御今祇奉保邦之訓惟
名與器踵為礪世之規茲誕布於新書用推褒於哲嗣涓辰渙號其
聰無譚皇子橫海軍節度滄州管内觀察處置等使檢校太尉持節
滄州諸軍事滄州刺史上柱國冀國公食邑三千七百戶食實封一
千二百戶栲秉德粹夷受才膚敏宏拱乾坤之施蚤凝金玉之姿開
國承家徽信都之樂土擁旄植纛制橫海之全師每敦率履之恭彌
篤鳴謙之行屬茲更制益峻視班參華保職之崇增煥公圭之重允
資親屏式協邦榮於戲欽乃攸司宜茂本根之庇錫茲純嘏永孚祚
嗣之休惟命其承師志母怠可

皇子栲特授檢校太保靜江軍節度使廣國公勳食邑食實

封如故制

門下朕圖任衆材攸明庶政務循名而責實因考古以驗今肇正官
稱革百王之流弊肆更伍序新一代之彌文蓋敦號於朝倫用隆恩
於天屬皇子靜江軍節度桂州管内觀察處置等使檢校太保持節
桂州詣軍事桂州刺史上柱國廣國公食邑三千戶食實封一千戶
拭繇榮寶系襲慶瑤源美追麟趾之振振榮繼棣華之韓韓朱親師
訓已隆禮義之端自啟邦封益懋謙恭之美屬頒丕憲宜異群工易
舊秩於主兵視峻秩於上保路車乘馬愈增師節之雄袞衣繡裳仍
擬台衡之貴併推異數用協新元以茂本支以強藩屏於戲朝廷既
正申嚴總核之方父子主恩宜厚褒嘉之典注惟祗服允迪吉康可
皇子榛特授檢校太保建雄軍節度使福國公勲食邑食實

封如故制

門下朕丕登帝命通駿先猷屬四海之乂安緝熙百度稽三代之制
作董正治官制夫位序之崇尚習循治之陋聿新邦紀褒進嗣賢詠
協剛辰誕揚渙號皇子建雄軍節度晉州管内觀察處置等使檢校
太尉持節晉州諸軍事晉州刺史上柱國福國公食邑三千戶食實
封一千戶榛寶純茂以夙成性溫恭而自度周家強幹早開而國之
疆漢威杆藩坐鎮臨汾之節每循循而飭行躬翼翼以承顏令則彌
彰幼儀弗惰方訓百工之治莫高三事之聯視保職以參華業公主
而懋寵以隆藩輔以協榮懷於戲必也正名允迪聖謨之盛慎乃在
位益孚宗屏之休往服至恩永綏遐福可

皇子椿特授檢校太保慶源軍節度使慶國公勲食邑食實

封如故制同上

門下朕若稽治古訓迪前王惟贊道之隆宵仍主兵之舊號官職相

序更修一代之儀名實既隆用革百王之弊眷言賢嗣宜易崇稱乃
先丕號之孚以移路朝之聑皇子慶源軍節度趙州管内觀察處置
等使檢校太尉持節趙州諸軍事趙州刺史上柱國慶國公食邑三
千戶食實封一千戶椿分輝璫極鍾慶珠源卓為異稟之英綽有成
人之度承顏翼翼行彌著於恪恭為善孳孳學已通於倫類適頌茂
憲 洪褒章陞上保之峻聯易古資之榮秩高牙大壽益昭帥聞之
惟赤舄桓圭兼視台衡之貴義遵時制恩協慈懷以光帝胄之祥以
壯宗藩之勢於戲官正則治既申講於新書輔用必強蓋大封於眾
子往欽優渥以介壽康可

皇子第二十三子挺特授檢校少保武康軍節度使相國公

食邑食實封制

政和四年十一月六日

門下朕誕受丕基茂膺駿命於揚不已仰承列聖之休申錫無疆昭

格多男之慶爰制若於外寢用敷號於明廷皇第二十三子挺帝武
幾祥天材育粹性稟五行之秀氣兼四序之和浸揚載路之聲綽有
超人之度逮辟辰而剪鬚擇剛日以按圖授武康之全師徹彰德之
樂國節旆齎鉞壯洗御於將壇赤舄桓圭備威儀於公衮視班聯於
亞保敦并賦於爰田以資屏翰之強用侈神明之宵於戲親賢並建
時莫重於周盟子孫皆封世必從於漢約若古有訓非子敢私其祇
服於恩榮以永綏於祉福可

皇子第二十四子機特授檢校少保平海軍節度使瀛國公

食邑食實封制

和五年七月十一日

門下受帝祉而施于子聖人所以承佑命之休教民睦者始於親王
者所以假御家之慶肆朕縉服若古有為嗣膺考叟之祥用協錫封
之典作猷外寢誕告庶工皇第二十四子機臨聰智之火成賦純和

之異稟毓秀後星之潤乘暉太極之嚴以赫厥靈風蹈履欽之告乃
安斯寢允符夢兆之占當保育之攸初迪幼儀之既備挺然岐嶷惠
休覃討茲臨剪鬚之時其憲有邦之則維制名者人治之大而序爵
者天下之公順考九儀式敷四履授律晉江之與相攸瀛海之崇宣
大將之威擁鉞鉞車旗之盛備上公之禮異帶裳幅舄之華視亞保
以班朝時爰田而食賦克昌厥後永孚于休於戲載錫之光其爾典
聽朕教自求多福罔不在厥初生肆惟德性之修期尚榮懷之渥以
綏燕譽茂介壽祺可

皇第二十五子模特授檢校少保武安軍節度使惠國公食

邑食實封制

政和五年九月二十日

門下朕保國又安荷天佑序降康錫美益蕃衍於本支裂壤疏封用
安強於宗社誕錫休命敷告治朝皇第二十五子模慶發仙源祥膺

帝武之屏之翰繫四國之于蕃維熊維羆協大人之占夢氣稟清明
之粹識金岐駿之姿弄以丰圭佩之朱芾綽有超人之度難稱賜履
之榮遵承典彝肇啓民社出少府之節殿此大邦按司空之圖胙之
樂土陟貳公之峻秩視三事之綽儀併給戶租兼隆并賦備加寵數
庸慰慈懷於歲易者建侯靡有親賢之異禮稱就傳徐觀德業之成
茂對恩光永綏壽祉可

宋朝大詔今集卷第三十三

親王八

進拜八

皇弟思加恩制

政和六年宋祀

門下朕蒐講彌文緝熙隆典必有尊也肇新王者之堂庶或饗之克
盡聖人之孝睦言同氣曾對盛容方熙事之遠成宜褒章之首及誕
孚渙號猷告大廷具官某德量醇深器資溫恪躬履五常之行心遊
六藝之淵屏翰王家有韓韓棣華之愛表儀公姓協振振麟趾之風
蹈謙畏而弗渝守貴高而彌戒神旗豹尾兼兩鎮之節旄衮衣繡裳
倫三公之典策屬扶宗祈之始共成昭配之尊薦獻惟時降升有度
逮已竣於盛祀肆玉舉於慶條增衍戶租教加升賦武彰景貺肅示
至懷於戲兄弟具來永念詒謀之遠帝親並饗敢忘受福之同仰對

龍光永綏燕譽可

皇子樞加恩制同上

門下萬物本乎天式證明禋之報五經重於祭是嚴昭配之文朕重建合宮緝熙鉅典靈心允答嘉應荐臻眷予有子之賢誕布告廷之命具官某蕤祥帝式分潤仙潢莊重夙成克邁詩書之訓溫良自得安行禮義之方蚤疏爵於王封仍視儀於揆路屬修元祀昭闡閔休爰舉國章載加并賦以固本支之茂以隆屏翰之強於戲孔惠孔時既格三神之右如幾如式其膺萬福之同尚迪今猷永綏壽祉可

皇子朴加恩制同上

門下朕麻吉杪秋肇禋重屋以妥以侑於昭事帝之誠是饗是宜克達寧親之志群心祇率萬福具來眷時胄嗣之賢當懋寵褒之典具官某分輝璿極襲慶天潢端敏自乎夙成孝友繇於弗克賜大邦之

履壯威重於節旄參上公之儀祭服章於袞舄會宗祈之獲考方祭
澤之誕敷乃陪列戶之封以廣爰田之奉禮惟事稱愛匪予私於戲
成功而告神明永念繼承之美有典以詒孫子永膺錫美之休往踐
厥猷以副朕訓可

皇子相加恩制同上

門下朕厥若先王之典率時昭考之行褒對九筵宿承五府克配上
帝既中能饗之誠乎佑下民斯廣休成之眎眷言賢嗣宜渙徽章具
官某迪德粹深稟資純秀問學不煩於師訓孝恭自得於天成寵冠
紹蟬丕視台衡之貴賜開茅土夙推王爵之崇謙慎彌章恩榮洽至
屬肇新於盛祀加備覲於盛容申衍國租載華邦慶於戲萬叙乃正
父方茂對於寵光啟佑我後人其克綏於萬祿往祇朕指益勵厥修
可

皇子棧加恩制同上

門下朕丕講彌文事新大饗展采錯事默然精意之通階祚發祥昭
若靈心之啓天人無間夷夏均沐中錫嗣賢誕揚顯冊具官某生資
岐嶷性稟溫恭具依日月之光容拱乾坤之施服謙有裕率履無違
承訓中宸克懋禔身之美疏恩外閭荐膺受祉之榮茲茲考於嚴禋
宜與蒙於景貺載加并賦併行真封以隆父子之親用篤邦家之慶
於戲三神乎祐敏如影響之隨萬福來寧燕及本文之茂往祇明命
其體眷懷可

皇子某加恩制同上

門下朕順考前彝肇新重屋克禋克祀式昭報本之心不顯不承庸
展奉先之孝天休滋至帝命不違肆敷錫於神釐用褒崇於爵嗣具
官某憑暉霄極席慶仙源端重出於生資溫文由於夙就元戎十乘

茲分將鉞之雄命服九章更修公主之寵茲嚴盛禮宜被渥恩載衍
邑租益增井賦以協邦家之喜以彰屏翰之良於戲惠我無疆既盡
吉蠲之饗降爾遐福其開蕃衍之祥勉服訓言茂綏壽嘏可

皇子樛加恩制同上

門下朕紹聞德言而稽天若揆季辛之穀旦修大事於合宮惠我無
疆既靈承於福祿俾爾多益用敷錫於臣民褒厥嗣賢揚于漢號其
官某分輝寶華鍾秀仙源溫恭本乎性成信厚由於自得隆師親友
發知義理之方開國承家克謹詩書之戒茲幸稱於盛禮宜正衍於
庀禧陪以并封時其幹食式昭惠術庸示恩華於戲孝弟通神寶獲
維天之祐子孫逢吉永同申命之休尚慎爾猷以祇予訓可

皇子樛加恩制同上

門下朕紹遵先烈肅舉明禋載稽六藝之文首定九筵之制我將我

享允盡於孝思來燕來寧恭承於純嘏慶均齊嗣獻告臣工具官某
端厚生知溫仁自得卓爾不群之度挺然好善之誠寵以命主秩等
哉公之肯綮之齊哉成事大鎮之推屬盛禮之迄戎哀徽章而具舉
載疇多邑中衍真祖有孚邦國之光克叶神靈之既於戲既昭假爾
雖福祿之攸同于時保之尚于孫之勿替往膺恩渥益燕壽祺可

皇子挺加恩制同上

門下朕祇遵先猷肇稱古禮即九筵而昭事極四表以和來是享是
宜克達馨香之薦安以消其多戩穀之綏迺養嗣賢肆揚廷號具以
官某挺材俊秀抱德溫純敏惠夙成方總髦而擢弁寵光荐至爰昨
土以疏封不煩師傅之勤自篤詩書之訓逮已竣於盛祀宜均錫於
殊恩衍以戶租陪之井食用作爾祉以承天休於戲御于家邦克寧
神而示孝中以福祿期與國以同榮益迪今儀往膺寵渥可

皇子拱加恩制同上

門下朕致孝以奉先考經而制禮乃即頒常布政之所幸修嚴父配天之儀來假祁祁既極歡心之助至止肅肅宜均嘉貺之敷誕播治朝載褒賢嗣具官某挺姿凝粹稟德溫恭宸極承顏斯喜勝衣之拜天庭輯瑞早醜胙土之恩黃閣有光檢身無怠屬我將之竣事是大春以因親衍茲幹食之封并以邑田之賦時于爾祉匪曰予私於戲迄用有成昭千齡之盛舉並受其福與萬國以同休往慎厥猷益祇朕命可

皇第二十六子特特授檢校少保定國軍節度使嘉國公食

邑食實封制

政和八年八月二十三日

門下親其親而愛物聖王知當務之先幼吾幼以及人天下格時雍之易朕荷上穹之右序錫景祚之蕃昌則百斯男茂本支於奕世大

啟爾宇崇屏翰於多方肆揚顯綽之恩用重外朝之體皇第二十六
子椅慶承王府粹毓珠璣演乃寢乃興發夢熊之吉克岐克嶷密符
帝範之祥賦章訂載路之聲擁敦厚攸宜之福大主不琢賢公天北
之自然黃鍾為宮氣得陰陽之至正消日將成於左鬢制名喜見於
西階聲盼受祀之榮式協相攸之樂牙璋治守統馭閑之雄藩金路
建公胙峨眉之名壤馭青萊隆於亞保疇祖仍賦於爰田疆萬年磐
石之宗壯百辟維城之勢於戲根仁義之性必因其材而篤焉教詩
禮之文可以有志於學矣以輔成於德器用保固於壽祺可

皇子楷移兩鎮加恩制和八年閏九月

門下王者之篤於親愛莫隆於父子聖人之謹於禮治尤始於家邦
朕若古以佛令疎近而舉遠既受帝祉夙申蕃衍之休于黎民彝丕
協榮懷之慶朕言次嗣允謂賢王聿從就邸之安肆有告廷之寵皇

子太傅武寧侯平軍節度使徐州牧兼陝州牧提舉皇城司食邑一萬二千七百戶食實封四千戶嘉王楷英姿玉裕雋望川流器函闕達之規性直純明之度造道自得既左右以逢原經德不回亦周旋而中禮殖學貫三才之典摘辭舉六藝之華頃偕射策之儒入奉臨軒之問條萬言之對揮筆陣以當千歲內經之徵收賢科而第一名既揭桂林之冠又刊壁海之傳孝恭愈摠於承顏動必允嚴於衛上飭人門而去法駕整周列以無詳比夕析以扈宸闈均遽宿而匪辭偶屬宮城之通弗度本鐸之脩董菴有方遇事可觀於籌略誰何唯謹防微備罄於忠勞茲鄰七雉之隅肇構百男之第海披封奏祈即攸居爰俯徇於忱誠用載加於徽數賜爾旂常黼黻更兩鎮之成師錫之山川土田啓東藩之全國峻兼外牧并行真租以綏譽處之崇以信本文之茂於戲上丁辨而民志定式昭名分之公形勢強則王室

安益賴磐維之固仰祇慈眷永介壽祺可

皇子樞持授太保保平武軍軍節度使進封肅王加食邑食

實封制重和二年正月五日同上

門下成周同姓之封蓋並列於八百國西漢諸子之食或多至於七十城朕夙承穹昊之休申錫嗣賢之茂天秩有禮俾序爵以造朝我圖爾居肆涓辰而授第誕揚休命敷告庶工皇子檢校太保某慶軍節度使開府儀同三司建安郡王食邑八千一百戶食實封二千六百戶振性稟純明韻全鍾邁聚陰陽之秀氣兼四序之和參象緯之華躬翬五潢之潤內極承顏之肅外專就傅之勤脩進及時有春誦夏絃之樂動容中禮惟前言往行之師頃親即於廣廷既備如於顯服念御家邦者莫先若分之辨矧為臣子者必嚴表著之儀是用配茲出閤之舊章處以環宮之新邸備真王之典冊啓西土之畿疆六

師之整戎特峻機旄之建三槐之面公位聿先百辟之趨仍拓爰
田併豐主賦於戲多男而授之職於昭審衍之祥若德以裕乃身斯
共榮懷之慶勉祇獻訓益介壽祺可

皇子杞特授太保護國武昌軍節度使進封景王加食邑食

實封制重和二年正月五日同上

門下思齊則百斯男錫美侈家邦之慶典命以九為節出封嚴車服
之儀朕席寶祚之寢昌有天材之夙就大啟爾宇俾班位著之崇爰
契我通遂即宅章之吉載盼顯冊丕告治廷皇子檢校太保山南東
道節度使開府儀同三司文安郡王食邑八千一百戶食實封二千
六百戶杞聰智少成溫仁日茂資純乾之始聿申太極之休翼大辰
之明並渙後星之次自頃從於外傳嘉敏克於厥脩學禮聞詩富卓
爾不群之識隆師親友得信而好古之方將全六藝之能既謹加

之戒然以國觀國則內外之治必正而在朝言朝則上下之分惟嚴
肆開列邸之居用壯維城之勢昨之樂土表以真王保職之位上公
應泰階七符之象師律之顯兩鎮備元戎十束之容并衍戶祖式昭
徽敷於歲受祉施于孫子茲惟帝昀之承稽古建爾國家其永宗彊
之相尚隆燕譽益襲多祥可

皇第二十七子棟特授檢校少保雄武軍節度使溫國公食

邑食實封制

重和二年正月二十六日

門下聖人之因者本特隆天性之恩君子之篤於親用謹民仁之教
眷予受嗣禮命初封誕敷贊冊之文乎昔治朝之聰皇第二十七子
棟發祥帝武擢秀天材金聲條理而成純玉質乎尹而不琢列後星
之屬象乾象以憑暉佩斯帝之華儼身章之稱德吉履先見幼儀夙
成自然象美之從屬茲三月之末消日剪髻始祇見於君親立祚命

名爰欽承於宰史肆申馭賞之義亦宏立愛之規序爵上公建邦樂
土高牙作鎮授節制於元戎左赫班朝聯寵榮於亞保轅由有衍主
賦疇加於戲百福子孫之宜實天申右萬年祚嗣之錫惟時太平其
益務於敏脩以永綏於壽域可

皇子楷特授劍南西川鎮南軍節度使成都牧兼洪州牧依

前太傅兼神霄玉清萬壽宮使提舉皇城等司卿王加食邑

食實封制

宣和元年十二月十六日冬祀

門下三光開太微之庭茲重遼嚴之秘干列謹周廬之衛允資總護
之勤延眷賢王久司禁掖懋忠嘉而率職聲誠愛以奉君肆紀殊庸
式孚大號皇子太傅荆南寧江軍節度使江陵牧兼夔州牧兼神霄
玉清萬壽宮使提舉皇城等司卿王食邑一萬四千七百戶食實封
四千六百戶楷二儀甄粹四序稟和學造淵深貫群經而自得文摘

瞻麗該衆體以兼全裕然孝友之風允矣恪恭之美環隅授卽寵光
棣萼之榮臚唱標名顯冠楓庭之秀自董宮城之政益崇宸極之尊
庶每及於未然事必形於有備重軒戴肅克寧完簞之安交戰無譁
爰整爪牙之利屬就郊而歲事乃前蹕以啟行控桓再重綏我精裡
之薦園壇八陛格茲彤璽之臨積享上之誠心秋事天之元祀興念
宣勞之篤幸臻計治之期用誕舉於徽章以茂揚於丕績擁旄專閭
榮更兩鎮之權分土得民併頌三州之牧陪敦多賦加衍真租勢增
屏翰之雄度美邦家之大於昭物采申示眷懷於戲虞舜之亮天工
典記陟明之賞成周之安王室傳稱夔輔之勲往勵前修以旌予訓
可

皇弟侯依前太傅永興成德軍節度使雍州牧兼真定牧燕
王加恩制同上

門下朕遵列聖之丕彝答上穹之景貺於穆清廟有嚴裸獻之將爰
熙紫壇載謹燎薰之報春言介弟克相盛儀方曠澤之時敷豈旋章
之敬後式敷替冊丕告治朝具官某德粹而量閑身端而行飭疊疊
迪中和之度繩繩悖信厚之風壯邦家之基有韓棟華之萼胙山川
之宇爰分桐葉之圭帥旄蕪兩鎮之雄公衮位三階之後六蜚肆祀
幸陪清蹕之行百味薦嘉式侑慶觴之奉迄茲餞惠宜首時庸申加
采邑之多蕪衍圭腴之厚於戲因心則友均慶賴於天倫式禮莫愆
共嘉承於帝祉往祇予訓茂對王休可

皇弟僖依前太傅鳳翔山南西道節度使鳳翔收蕪興元牧

越王加恩制

同上

門下朕承景至之休辰款國陽之吉壤觚壇八陛既嚴類帝之誠端
闕五門更厚錫民之澤惟予同氣克相盛容宜因拜貺之初特渥旌

勞之寵載涓穀且誕告明廷其官某氣裕而識融體莊而志正簡重
出性資之茂溫恭循禮則之嚴昭譽處之休推有間平之度壯本支
之勢蚤分魯衛之封咸蕪重牧之翰藩位列上公之鼎鉉莫遠具爾
陪祇載於廟壇挹彼注茲預參升於爵尊用襄嘉德首畀庀禘中陪
并賦之豐併詔租腴之益於戲朕膳以親兄弟不愆于儀孝悌之通
神明並受其福永綏多祐祇若訓言可

皇子楷依前太傅荆南寧江軍節度使荊州牧兼夔州牧鄆

王加恩制同上

門下備萬物以告神明式達成功之美親九族而致禋祀聿昭申命
之休朕荷帝降康宅師用乂乃順初陽之候恭修大報之儀天人和
同煥若神光之燭月星明概肅然象物之臻養于次嗣之賢宜首慶
條之舉宜乎昭號具諗明倫皇子太傅荆南寧江軍節度江陵牧兼

夔州牧兼神霄玉清萬壽宮使提舉皇城司耶王楷壞韻天成英猷
日裕德備四端之粹學窮六籍之微禁罔提綱忠罄君親之奉天庭
射策名魁俊造之科山川開素社之封衮馬位經邦之傳屬展紫埃
之饗實前清蹕之行嚴控極之再重各司其局肅勾陳之力衛有聞
無聲茲並格於神登肆大均於祭澤爰田衍厚生食增腴於歲蒙嘉
氣而獲豐年既對宴娛之既綏眉壽而屆繁祉用同右序之榮往昭
寵光並崇舉處可加食邑一千戶食實封三百戶

皇子樞加恩制冬祀

門下合宮裸鬯義蓋本於寧神嘉時燔柴禮尤嚴於類帝朕紹膺寶
祚祇遵燕謀永惟孚佑之純敢怠迎長之報精意以享薦明德之馨
香釐事脩成需鴻恩之汪濊乃養齋賢之懿克昭相祀之誠宜錫渙
章用孚群辟皇子太保保平武軍軍節度使肅王樞風猷凝遠德值

溫莊霄極階精秀稟璇源之潤環宮開卽慶聯棣萼之輝羽儀聲鳴
玉之班旌森極建牙之寵載飭奉璋之度肅陪英壁之祠方拜胙以
均禧肆徹圭而行賦是為異數允答殊庸於戲得四表之驩心既迪
降康之吉僕萬年之景命更隆受祉之休茂對恩徽益祗猷訓可加
食邑一千戶食曾封二百戶

皇子杞依前太保兩鎮景王加恩制

各祀

門下聖無先於能饗帝禮莫重於大報天爰因三歲之常仍順一陽
之復展采錯事聿昭拜既之休歆福錫民斯洽饒神之澤眷言賢嗣
寔講上儀肆瑞筭以消辰用揚庭而孚號皇子太保護國武昌軍節
度使景王杞擬姿凝秀蘊識純明遵百行之源迪良知而日裕襲六
藝之潤濟惠問以川流雖雖鳴王之容奕奕環宮之第大啓爾宇峻
典冊於真王言觀其旂盛威儀於兩鎮屬受廬於元祀迺錫命於多

男載疇升賦之豐更衍畬租之厚於戲一人有慶其來速通之懽百
祿是邁燕及本文之茂往祇渙渥永對榮懷可加食邑一千戶食實
封二百戶

宋朝大詔令集卷第三十三